

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- जम्मू-कश्मीर लेई कल पेश कीते गेदे बजट च महिलाएं, गरीब लोकें ते शिक्षा दे खेत्तर लेई बड़्छे कल्याणकारी हीलें दा ऐलान कीता गेआ ऐ।
- मुख्मन्त्री ओमर अब्दुल्ला होरें आखेआ ऐ जे ओह सैलसफा गी बढ़ावा देने लेई दक्खन फिल्म इंडस्ट्री गी जम्मू-कश्मीर च आहने पर विचार करै करदे न।
- दुनिया भरै च अज्ज महिलाएं सरबन्धी अंतर्राष्ट्री ध्याड़ा मनाया जा करदा ऐ।
- जम्मू-कश्मीर कल्लै थमां गुलमर्ग च खेलो इंडिया विंटर गेम्स दे दुए चरण दी मेजबानी लेई पूरी चाल्ली तैयार ऐ।
- मुख् सचिव अटल डुल्लु होरें आखेआ ऐ जे स्वच्छ भारत मिशन शैहरी लेई कार्य योजना तैह्त्त हर परियोजना लेई समें-सीमा तय कीती जानी लोड़चदी ऐ।

<><><><><><>

Budget Welfare Measures

मुख्मन्त्री ओमर अब्दुल्ला हुंदे आसेआ कल केन्द्र शासित प्रदेश जम्मू-कश्मीर लेई पेश कीते गेदे बजट 2025-26 च केई कल्याणकारी हीलें दाऐलान कीता गेआ जिं'दा मकसद कमजोर तबकें दे जीवन-स्तरै गी बेह्तर बनाने सने महिलाएं दा सशक्तिकरण ते शिक्षा दे खेत्तर गी तगड़ा बनाना बी ऐ। आकाशवाणी दे जम्मू संवाददाता दी रिपोर्ट मूजब, जम्मू-कश्मीर सरकारै बजट च, अन्तोदया अन्न योजना तैह्त्त औने आहले सभ्मनें परोआरें लेई 200 युनिट मुफ्त बिजली दा ऐलान कीता ऐ। एह्दे अलावा, अन्तोदया अन्न योजना दे सभ्मनें लाभार्थिं गी औंदी पैहली अप्रैल थमां हर म्हीने 10 किलो मुफ्त राशन थ्होआ करोग। इस्सै चाल्ली गरीब कुड़िं दे ब्याहें च मदाद आहली योजना दे तैह्त्त दिती जाने आहली रकम गी 50 ज्हार रुपें शा बधाइयै 75 ज्हार रुपे करने दा ऐलान बी अज्जै दे बजट च कीता गेआ ऐ। एह्दे अलावा औंदी पैहली अप्रैल थमां सरकारी बस्सें सने ई-बसें च बी सभ्मै महिलां मुफ्त सफर करी सकडन। इस ब'रे जम्मू-कश्मीर दे बक्ख-बक्ख हिस्सें च पानी दी जांच आहिलयां 98 लैबाटियां खडेरियां जाडन। बजट च इक होर बड्डी घोषणा करदे होई खित्ते च कनून दी पढ़ाई लेई नेशनल लॉ युनिवर्सिटी स्थापित करने दा ऐलान बी कीता गेआ ऐ।

<><><><><><>

CM-South

दक्खन भारत थमां मते शा मते सैलानिएं गी जम्मू कश्मीर औने लेई आकर्षत करने लेई मुख्यमंत्री उमर अब्दुल्ला होरें दक्खनी फिल्म उद्योग लेई इत्थें आइयै फिल्में दी शूटिंग करने लेई परियोजनाएं दी घोशणा कीती ऐ। कल इक प्रेस कांफ्रेंस गी संबोधत करदे होई मुख्यमंत्री होरें आखेआद जे जम्मू कश्मीर दा शानदार कुदरती नजारे दा छलैपा दक्खन भारतीय फिल्में लेई इक बनकदा ते बेह्तरीन विकल्प होग ते इत्थें आइयै ओ फिल्में दी शूटिंग करी सकगंन। उनें आखेआ जे एह मन्नना ऐ जे एह्दे नै ना शड़ा इत्थें सैलसफा गी बढ़ावा थ्होग सगुआं मकामी उद्योग गी बी आर्थिक उछाल हासल होग। उमर अब्दुल्ला होरें आखेआ जे सरकार दा मकसद जम्मू कश्मीर गी मुख्य भरै दे फिल्म निर्माताएं लेई इक प्रमुख थाहरे दे तौरा पर विकसित करना ऐ। उनें आखेआ.....

<><><><><><>

LG-Tawi Festival

उपराज्यपाल मनोज सिन्हा होरें आखेआ जे तकनीक ते कला मझाटै इक संतुलन बनाने दी लोड़ ऐ ते विज्ञान ते तकनीकी खेत्तर च होआ'रदे नमें इजाद साहड़ी सभ्यता लेई बड़े महत्वपूर्ण न। एल.जी होरें एह गल्ल तवी महोत्सव दे त्रीये संस्करण दा उद्घाटन करदे होई आक्खी। एह कार्यक्रम अमर महल च हरि तारा चेरिटेबल ट्रस्ट आसेआ आयोजित कीता गेदा हा। एह कार्यक्रम अमर महल संग्रहालय ते पुस्तकालय दे 50 बरे पूरे होने दे जश्न दे इक हिस्से दे तौर पर बी मनाया जा'रदा ऐ। अपने संबोधन च उपराज्यपाल होरें आखेआ.....

<><><><><><>

IWD

अज्ज अंतर्राष्ट्रीय महिला दिवस ऐ। हर ब'रे 8 मार्च गी एह ध्याड़ा महिलाएं लेई समाजी बरोबरी, उंदे अधिकारें ते उपलब्धिएं गी सम्मान देने लेई मनाया जंदा ऐ। एह ध्याड़ा समाज च महिलाएं दी भूमक, संघर्ष ते कामयाहबएं गी दर्शादा ऐ। इस ब'रे लेई अंतर्राष्ट्रीय महिला दिवस दा विषय सार ऐ "सबबने महिलाएं ते कुड़िएं लेई अधिकार, बरोबरी ते सशक्तिकरण देश ते दुनिया दे बाकी हिस्से आला लेखा जम्मू च बी बक्ख-बक्ख संगठने आस्सेआ एह ध्याड़ा मनाया जा'रदा ऐ। जम्मू कश्मीर कला संस्कृति ते भाषा अकादमी आस्सेआ अज्ज इस मौके इक बहु भाषाई मुशायरे दा सरिस्ता कीता जा'रदा ऐ। महिला काव्य मंच आस्सेआ महिला कालेज परेड दे सैहयोग कन्नै बी इक विशेष कार्यक्रम दा सरिस्ता कीता जा'रदा ऐ। आकाशवाणी दे क्षेत्रीय समाचार एकांश जम्मू नै बी इस महिला दिवस दे मौके पर अपने महिला सैहकर्मिएं गी बडलै दफतर पुज्जदे गै उनेंगी फुल्ल भेंट करियै उंदा सतकार कीता।

समाचार एकांश दे प्रभारी एन.गुलशन रैणा होरें इस मौके आखेआ जे महिला अज्ज कुसै बी द्वोत्र च कुसै कोला घट्ट जां पिच्छे नेई न। उनें आखेआ जे समाज दे हर वर्ग, हर घर, हर इदारे ते हर संगठन गी महिलाएं दा आदर करना लोड़चदा ते 2047 तगर भारत गी इक विकसित राश्ट्र बनाने लेई उनेंगी हर कम्मै च योगदान लेई प्रेरत करना ते मौका देना लोड़चदा।

<><><><><><>

IWD add

अंतर्राष्ट्री महिला दिवस दे सिलसिले च प्रधानमंत्री नरेन्द्र मोदी होरें मुख्य भरै दिएं महिलाएं गी एह गुजारिश कीती ही जे ओह नमो ऐप्प ओपन फोरम पर अपने विचार सांझे करन। इक विशेष पैहलकदमी दे तौर उपपर प्रधानमंत्री होरें एह ऐलान बी कीते दा ऐ जे अज्ज अंतर्राष्ट्री महिला दिवस दे मौके उपपर ओह अपने सोशल मीडिया एकाउंटें दी कमान, चुनी गेदी महिलाएं गी सौपडन। तोआई अंतर्राष्ट्री महिला दिवस दे मौके लेफ्टिनेंट गवर्नर मनोज सिन्हा होरें पूरी नारि शक्ति गी बधाई दिंदे होई राश्ट्र दी तरक्की च उंदे जोगदान लेई आभार जताया ऐ। उ'नें आखेआ ऐ जे कार्यबल च महिलाएं दी मती भागीदारी, भारत गी विकसित राश्ट्र बनाने च मदाद करोग।

<><><><><><>

KIWG 2025

कश्मीर घाटी दी गुलमर्ग थाहर आयोजित होने आहली खेलो इंडिया विंटर गेम्स दे दुए चरण लेई हून छड़ा इक्क गै ध्याड़ा रेही गेदा ऐ ते एहदे लेई सब्भै तैयारियां बी पूरी करी लैती गेदिआं न। इ'नें स्यालु खेड्डें दा आयोजन कल 9 मार्च थमां लेइयै 12 मार्च तोहड़ी कीता जा'रदा ऐ। घाटी दे केई सारे हिस्सें च घट्ट बर्फबारी होने करी पैहले इ'नें खेड्डें गी अगड़ा पाया गेआ हा पर पिच्छले दिनें होई दी खरी मती बर्फबारी दे बाद इ'नेंगी 9 मार्च थमां आयोजित करने दा ऐलान कीता गेआ। जम्मू-कश्मीर प्रशासन ते खेड्ड काउंसल आसेआ प्रतिभागिएं ते सैलानिएं दे अनुभव गी बेहतर बनाने लेई सब्भै संभव जतन कीते जा करदे न। इस सरबंधै च मती जानकारी देआ करदे न जम्मू-कश्मीर खेड्ड काउंसल दे डिवीजनल खेड्ड अधिकारी जावेद-उर-रहमान

<><><><><><>

CS-SBM-U

मुख्य सचिव अटल डुल्लू होरें स्वच्छ भारत शैहरी मिशन तैहत तैआर कीती गेदी कार्य योजना दी समीक्षा करदे होई सरबंधत अधिकारिएं गी आखेआ ऐ जे ओह इस कार्ययोजना तैहत प्रस्तावित हर इक परियोजना लेई समें सीमा तैह करन तां जे उनेंगी मित्थे दे समें दे अंदर अंदर तोड़ चाढ़ेआ जाई सकै।

बैठक दरान मुख्ख सचिव होरें 2035 तगर कचरा प्रबंधन लेई प्रस्तावित कार्यक्रमें ते योजनाएं दा बी बड़ी तफसील च ब्योरा पुच्छेआ, चेचा करियै राजधानी आले शैहरे ते हर मकामी शैहरी निकाए दे साब्बे बी। उनें आखेआ जे भविक्ख च नैदा होने आले हर चाल्ली दे कचरे गी खपाने दी बवस्था ते उंदा असरदार प्रबंधन बड़ा जरूरी ऐ तां जे इनें योजनाएं गी लागू करदे लै भविक्ख च कोई दिक्कत नेई आवै ते इत्त सरबंधी भविक्ख दिएं चुनौतिएं कन्नै निबड़ने च अस पूरी चाल्ली कामयाब रौह्चे।

<><><><><><>

UMEED Ramban

प्रदेश ग्रामीण आजीविका मिशन – एसआरएलएम दे तैहत्त चलाए जा करदे उम्मीद कार्यक्रम दा मकसद महिलाएं गी आत्मनिर्भर बनाइयै उंदा सशक्तिकरण जकीनी बनाना ऐ। रामबन जिले दे बटोत ब्लाक च गरीब तबकें दिआं महिलां इस पैहलकदमी दे राहें आत्मनिर्भर बनै करदिआं न ते होरनें गी बी आत्मनिर्भर बनने च मदाद देआ करदिआं न। इस सरबंधै च आकाशवाणी कन्नै गल्ल करदे होई बटोत थमां इक महिला लाभार्थी अंजू देवी होरें गलाया

<><><><><><>

Digittal Marketing Kishtwar

नौजवानें गी डिजिटल हुनरें कन्नै लैस करने दे मकसद कन्नै किश्तवाड़ च आयोजित कीते गेदे डिजिटल मार्किटिंग कोर्स दे समापन समारोह दा आयोजन डिप्टी कमिशनर हुं'दे दफ्तरै च कीता गेआ ते इस मौके पर प्रतिभागिणें गी प्रमाण पत्तर बी बंड्डे गे। इस मौके उपपर असिस्टेंट डरैक्टर ममता सुदर्शन होरें स्व-रोजगार लेई डिजिटल हुनरें दे महत्व पर लोऽ पाई। इस सरबंधै च आकाशवाणी कन्नै गल्ल करदे होई इक प्रतिभागी नै आखेआ

<><><><><><>

NCC Poonch

जम्मू-कश्मीर ते लद्दाख एनसीसी निदेशालय दे ए.डी.जी. मेजर जनरल अनुपिंदर देवली होरें कल पुंछ दा दौरा लाइयै खित्ते च एनसीसी युनिट दे कम्मकाज दा जायजा लैता। इस मौके उपपर एनसीसी दे 5 जेके बटालियन थमां ब्रिगेडियर डी.एन. पांडे होर बी उं'दे कन्नै हे। अपने दौरे दरान उं'नें एनसीसी कैडेटें कन्नै गल्लबात कीती ते उत्थे जारी गतिविधिणें ते सिखलाई आह्ले कार्यक्रमें दी स्थिति दा जायजा लैता। इस मौके उपपर मेजर जनरल देवली होरें कैडेटें दे जतनें दी सराहना करदे होई आखेआ जे ओह अपना मनोबल उच्चा रक्खदे होई बड़ी खरी चाल्ली अपनी जिम्मेदारिणें गी निभाऽ करदे न।

ब्रिगेडियर पांडे होरें नौजवानें गी अनुशासित ते प्रेरित कैडेट बनाने च एनसीसी दी भूमिका दे महत्व पर लोऽ
पाई । इस मौके पर बोलदे होई मेजर जनरल अनुपिंदर देवली होरें आखेआ

<><><><><><>